



Broj: 11-19-11-2-3456/26

Datum: 03.09.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

O D L U K U
o poništenju postupka javne nabavke
radova izrade antistatičkog poda

I

Prihvata se prijedlog Komisije za provođenje konkurentskih i pregovaračkih postupaka nabavke, te se poništava postupak javne nabavke radova izrade antistatičkog poda, zbog dostavljanja nepravilne ponude od strane ponuđača „LA VIE“ d.o.o Novi grad.

II

Za izvršenje Odluke zadužuje se Sektor za finansije i javne nabavke.

III

Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).

IV

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke radova izrade antistatičkog poda, broj Obavještenja o javnoj nabavci: 1412-7-3-235-3-186/26 od 21.08.2026 godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi **17.995,14 bez PDV-a**.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o poništenju postupka data u skladu sa Zakonom o javnim nabavkama i tenderskom dokumentacijom.

Dana 01.09.2026. godine, Komisija za provođenje konkurentskih i pregovaračkih postupaka nabavke za 2026. godinu izvršila je otvaranje ponuda u postupku Javne nabavke radova izrade antistatičkog poda, o čemu je sačinjen Zapisnik o otvaranju ponuda, u koji su uneseni svi podaci propisani članom 63. stav 4. i 5., ZJN.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda, pregled i ocjenu kvalifikovanosti ponuđača, o čemu je sačinila navedeni zapisnik, u kojem je utvrđeno sljedeće:

- da je za Javnu nabavku radova izrade antistatičkog poda zaprimljena jedna (1) ponuda, koje je ujedno i blagovremene, i to ponuđača: „LA VIE“ d.o.o Novi grad;
- da nije bilo neblagovremeno zaprimljenih ponuda;
- uvidom u zaprimljenu ponudu, od strane Komisije je utvrđeno da je ista nepravilna, jer nije dostavljena u skladu sa tenderskom dokumentacijom, odnosno ponuđač nije dostavio potpisanu i ovjerenu Izjavu da se obavezuje da će, ukoliko budu izabrani, u roku od 10 dana od dana zaključivanja Ugovora dostaviti originalnu garanciju za uredno izvršenje ugovora u vidu bezuslovne bankovne garancije u iznosu od 10% vrijednosti ugovora sa rokom važenja 30 dana po isteku zaključenog ugovora, kako je traženo tačkom 1.16. Tenderske dokumentacije
- shodno navedenom, od strane Komisije je ugovornom organu data preporuka da se poništi postupak javne nabavke radova izrade antistatičkog poda.

Razmatrajući prijedlog Komisije i primjenjujući odredbe člana 69. stav (1) tačka b) Zakona o javnim nabavkama, direktor Federalne uprave policije donosi Odluku kao u dispozitivu.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove odluke.

DIREKTOR
GLAVNI GENERALNI INSPEKTOR POLICIJE



DOSTAVITI:

- Sektor za finansije i javne nabavke,
- Ponuđaču,
- a/a.-